



Bosnia and Herzegovina
Federation of Bosnia and Herzegovina
CANTON SARAJEVO
Cantonal Civil Protection Administration

21-12-2023
KANTON SARAJEVO
Paul Dan

Broj: 02-04-1451-1/23
Sarajevo, 06.12.2023. godine

SKUPŠTINA KANTONA SARAJEVO
n/r Elvedin Okerić, Predsjedavajući Skupštine
- o v d j e -

PREDMET: Odgovor na zastupničku inicijativu, dostavlja se.-

VEZA: Vaš akt broj: 01-04-46892-17/23 od 15.11.2023. godine

Poštovani,

Na Jedanaestoj radnoj sjednici Skupštine Kantona Sarajevo, održanoj dana 15.11.2023. godine, u okviru tačke dnevnog reda „Poslanička/zastupnička pitanja, inicijative i odgovori“, zastupnik Samir Avdić, uputio je sljedeću zastupničku inicijativu:

„u skladu sa članom 106. i 213. Poslovnika Skupštine Kantona Sarajevo, dostavljam poslaničku inicijativu prema Kantonalnoj upravi civilne zaštite Kantona Sarajevo u vezi sa eventualnom intervencijom s obzirom na elementarnu nepogodu od 03.11.2023. godine koja je uzrokovala veliku štetu na trening centru FK Igman Ilidža“.

ODGOVOR:

Poslove i zadatke iz svoje nadležnosti Kantonalna uprava civilne zaštite Kantona Sarajevo (u daljnjem tekstu: Uprava) obavlja u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10), Zakonom o zaštiti od požara i vatrogastvu („Službene novine Federacije BiH“, broj: 64/09), Zakonom o nadležnostima organa vlasti Kantona Sarajevo u oblasti zaštite i spašavanja ljudi i materijalnih dobara od prirodnih i drugih nesreća („Službene novine Kantona Sarajevo“, br. 39/08 i 19/11), Zakonom o nadležnostima organa vlasti Kantona Sarajevo u oblasti zaštite od požara i vatrogastvu („Službene novine Kantona Sarajevo“, broj: 23/11), te drugim zakonima, propisima i općim aktima.

Uprava u okviru svojih redovnih godišnjih aktivnosti kontinuirano inicira i održava dijalog i radne sastanke sa svim svojim službama zaštite i spašavanja, drugim ustanovama i preduzećima, te općinskim organizacijama struktura civilne zaštite a sve u cilju poboljšanja trenutnih struktura službi civilne zaštite u Kantonu Sarajevo. Na osnovu svih prikupljenih podataka sa sastanaka, te dobivenih zahtjeva od strane službi zaštite i spašavanja, drugih ustanova i preduzeća i općinskih organizacija struktura civilne zaštite, a u skladu sa raspoloživim sredstvima ostvarenih na osnovu posebnih naknada, Uprava uz pribavljeno mišljenje Štaba civilne zaštite Kantona Sarajevo donosi godišnji Plan korištenja sredstava posebne

naknade u svrhu opremanja službi zaštite i spašavanja i općinskih organizacija struktura civilne zaštite sa materijalno-tehničkim sredstvima.

Vežano za predmetnu inicijativu, treba istaći, da je Vlada Kantona Sarajevo donijela Uredbu o organizovanju Službi zaštite i spašavanja i jedinica civilne zaštite specijalizovane namjene Kantona Sarajevo („Službene novine Kantona Sarajevo“, br. 30/13, 29/19, 15/20 i 22/20 - u daljnjem tekstu: Uredba) kojom se organizuju službe zaštite i spašavanja i jedinice civilne zaštite specijalizovane namjene koje će djelovati na području Kantona Sarajevo, zatim određuju pravna lica i udruženja građana u kojima će se formirati službe zaštite i spašavanja, utvrđuje se vrsta službi zaštite i spašavanja i jedinica, kao i njihova namjena i zadaci koje će obavljati, način popune službi zaštite i spašavanja i jedinica ljudstvom i materijalno-tehničkim i drugim sredstvima i uređuju druga pitanja od značaja za organizaciju i njihov rad. Navedena Uredba precizira koje Službe zaštite i spašavanja i jedinice se formiraju, opremaju i osposobljavaju kao organizovane snage civilne zaštite, raspolazu savremenim sredstvima i opremom, te obučenim ljudstvom radi neposrednog angažovanja na izvršavanju složenijih i istovrsnih zadataka zaštite i spašavanja ljudi i materijalnih dobara od prirodnih i drugih nesreća.

Službe zaštite i spašavanja angažuju se onda kada Vlada Kantona Sarajevo **proglasi nastanak prirodne i druge nesreće na području Kantona**, a izuzetno, angažovanje tih službi može se izvršiti i prije proglašenja prirodne i druge nesreće, u slučaju **kada prijete neposredna opasnost od nastanka prirodne i druge nesreće u cilju preduzimanja odgovarajućih mjera na sprečavanju nastanka te opasnosti ili nesreće ili ublažavanja njihovog djelovanja**.

Također, Službe zaštite i spašavanja i jedinice predviđene Uredbom namijenjene su da djeluju na području cijelog Kantona, u svim slučajevima kada službe zaštite i spašavanja, jedinice civilne zaštite i druge organizovane snage civilne zaštite opštine na čijem području je nastala prirodna i druga nesreća, nisu dovoljne da brzo i efikasno izvrše sve zadatke na zaštiti i spašavanju ugroženih ljudi i materijalnih dobara u odnosu na poslove za koje su nadležne te službe i jedinice, a u skladu sa naredbama Štaba civilne zaštite Kantona Sarajevo.

Kada je u pitanju stanje opremljenosti službi zaštite i spašavanja općina sa materijalno-tehničkim sredstvima, ističemo da shodno Odluci o uslovima i načinu korištenja sredstava ostvarenih na osnovu posebne naknade za zaštitu od prirodnih i drugih nesreća ("Službene novine Federacije BiH", br. 4/12, 80/13 i 20/20) te Odluci o utvrđivanju kriterija za dodjelu pomoći općinama iz sredstava ostvarenih po osnovu posebne naknade za zaštitu od prirodnih i drugih nesreća („Službene novine Kantona Sarajevo“, br. 22/22), a na osnovu zahtjeva općina i raspoloživih sredstava posebne naknade, svake godine dodjeljuje se dio sredstva posebne naknade za pružanje finansijske podrške općinama u ostvarivanju njihovih zadataka zaštite i spašavanja u godišnjem planu korištenja sredstava posebne naknade kojeg donosi Kantonalna uprava civilne zaštite uz pribavljeno mišljenje Štaba civilne zaštite Kantona Sarajevo.

Također, dio prikupljenih sredstava posebne naknade za zaštitu od prirodnih i drugih nesreća, koja se vode na posebnom transakcijskom računu i pripadaju općinama, općine mogu koristiti isključivo za namjene iz člana 184. tačke 2. do 7. Zakona o zaštiti i spašavanju.

Što se tiče djelovanja po pitanju eventualne intervencije na trening centru FK Igman Ilidža ova Uprava nema zakonskog uporišta za djelovanje po ovom pitanju, niti ima stručnih ekipa koje bi upotrebom mehanizacije učestvovali u sanaciji balona fudbalskih terena navedenog trening centra.

S poštovanjem,

Dostavljeno:

- Naslovu;
- a/a.

